

古

謠

諺

古謠諺卷三十二

秀水杜文瀾輯

岱縣人爲功曹小吏語

何氏姓苑昔岱縣人姓九百名里爲縣小吏而
功曹姓萬縣中語曰

九百小吏萬功曹

蓬州父老爲吳幾復歌

萬姓統譜吳幾復汝州人皇祐中知蓬州秩滿

去父老拜送歌云

輿地紀勝卷一百八十八官
吏門吳幾復注嘉祐五年爲

太守游袁山有二父老譙寶黃仁贊拜于庭下
曰鄉民被使君之政久矣今聞還朝故來相別
且歌曰
云云

使君來兮父母鞠我禮化行兮民無寒餓使君去兮不
可復留人意悵悵兮淚雙墮

輿地紀勝悵悵作悵悵

應劭引里語

漢官儀

據御覽皇王部

按御

里語云

任智不正車生咀

按漢官儀據孫氏星衍輯本採錄

應劭引里語

漢官儀逸文

據詩紀補

里諺曰

事類賦卷十六注作吳語

升菴經說卷

四作古諺

枕譚作漢世諺語

拜經樓詩話

卷四作漢諺

升菴經說云衛風淇澳篇曰猗

重較兮毛萇曰重較卿士之車說文車綺上曲

銅也蓋較在軾上恐其墜故以曲銅關之古謂

較爲車耳三國志吳童謠云黃金車班蘭耳闔

閭門見天子符曲銅之說矣按此條已見三

國志李氏調元云今按古今注重耳重較也

文官青耳武官赤耳或曰重較在車藩上重起

如牛角

故云

仕宦不止車生耳

枕譚宦作進

按孫氏僅採前一條未載此條檢前條句義不可解

然御覽兩處所引均同斷非涉此條而誤或他書引

漢官儀本有此條孫氏未經採及耳惟考漢世鏡銘

頗近此語然不言諺姑據馮氏所引錄之

漢許氏四神鏡銘曰

作吏高遷車生耳黃氏易曰按車生耳出楊子太元經積次四君子積善至於車耳注曰積善成位故車生耳如車服以庸之義漢書景帝紀令長吏二千石車朱兩轆干石至六百石朱左轆應劭曰車耳反出所以爲之轆屏翳泥塵也二千石雙朱其次乃偏其左輒以簞爲之或用革如漚曰轆音反小車兩屏也此乃用之於鏡銘知是當時尋常語爾

時人爲石抱忠劉奇張詢古許子儒語

御史臺記逸文

據廣記卷二百五十五

石抱忠檢校天官

郎中與侍郎劉奇張詢古同知選抱忠素非靜

慎劉奇久著清平詢古通婚名族將分鈐時人

語曰

云

云

斯言果徵抱忠

案抱忠二字原本無據全唐詩十二函八

補

後與許子儒同知選劉奇獨以公清稱抱忠

師範子儒頗任令史勾直每注官呼曰勾直乎

案據唐書乎

字當作平配

時人又爲之語曰

云

云抱忠後與

奇同棄市選人或爲擯抑者復爲語曰

云

云

有錢石下好無錢劉下好士大夫張下好

碩學師劉子儒生用與言

今年柿子迸遭霜爲語石榴須早摘

案說郭卷五十一列御史臺記未載此條今據廣記錄之

湖蘇二郡人爲牧掾語

衣冠盛事咸通末鄭渾之爲蘇州錄事談銖爲

嵯院官鍾輻爲院巡

全唐詩十二函八引南部新書巡下有皆廣文生四

字駢字類編卷五十三引語林巡下有儀廣文三字時湖州牧李超趙

蒙相次俱狀元二郡地土相接時爲語曰

南部新書

作二郡人語

湖接兩頭蘇連三尾

南部新書連作聯

河清縣軍民爲王元規歌

州縣提綱

卷一

凡在官守汨於詞訟窘於財賦困

於朱墨往往於閨門之內類不暇察至有子弟
受人之賂而不知者蓋子弟不能皆賢或爲吏
輩誘以小利至累及終身昔王元規爲河清縣
軍民歌詠以云爲第一奇蓋子弟當絕見客
勿出中門仍嚴戒吏輩不得與之交通又時時
密察之庶幾亡弊不然則禍起蕭牆矣

第一奇民吏不識知縣兒

按合璧事類後集卷二十九
嘉祐中王元規知河清縣軍

古謠諺

卷三十一

曼陀羅華閣

民歌詠有十奇據此則此歌必以一奇二奇遞數此條所引非其全文今仍以第一奇三字冠首以存其跡焉

呂居仁引諺論勤

官箴前輩常言小人之性專務苟且明日有事今日且休當官者不可徇其私意忽而不治諺

有之曰

云

云此實要言也

勞心不如勞力

又引諺論忍

官箴忍之一字衆妙之門當官處事尤是先務若能清慎勤之外更行一忍何事不辦書曰必

有忍其乃有濟此處事之本也諺曰

云

少陵

詩曰忍過事堪喜此皆切於事理爲世大法非空言也王沂公常說喫得三斗醞醋方做得宰

相蓋言忍受得事

避暑錄話卷下俗言云云此司空表聖詩也表聖休休亭

記自言嘗爲匪人所辱宜以耐辱自警因號耐辱居士蓋指柳璨豈白馬之禍璨將爲不利有不得已而忍辱以免者故爲是言也

忍事敵災星

胡大初引諺

晝簾緒論

治獄篇

刑獄重事也監繫最不可泛及

拷訊最不可妄加而臆度之見最不可恃以爲是也史傳所載耳目所知以疑似受枉而死而流而伏辜者何可勝數諺曰云此雖俚言極爲有道故凡罪囚供款必須事著實方可憑信不然萬一逼人於罪使無辜者受枉罰令得無校於心乎

捉賊須捉賊捉姦須捉雙

賀嶠妻于氏引鄙諺

通典

卷六十九
嘉禮十四

養兄弟子爲後後自生子議東

晉成帝咸和五年散騎侍郎賀嶠妻于氏上表
云妾昔初舉醮歸於賀氏允嗣不殖妾姑薄氏
過見矜愍無子歸之天命婚姻之好義無絕離
嶠仲兄羣哀妾之身恕妾之志數謂親屬曰于
新婦不幸無子若羣陶新婦生前男以後當以
一子與之陶氏既產澄馥二男其後子輝孕羣
卽白薄若所育是男以乞新婦妾敬諾拜賜先
爲衣服以待其生輝生之日洗浴斷臍妾卽取
還服藥下乳以乳之陶氏時取孩抱羣恒辭止

婢使有言其本末者羣輒責之誠欲使子一情以親妾而絕本恩於所生輝百餘日無命不育妾誠自悲傷爲之憔悴姑長上下益見矜憐羣續復以子率重見鎮撫妾所以訖心盡力皆如養輝故率至於有識不自知非妾之子也率生過周而嶠妾張始生子纂於時羣尙平存不以爲疑原薄及羣以率賜妾之意非惟以續嶠之嗣乃以存妾之身妾所以得終奉烝嘗於賀氏緣守羣信言也率年六歲纂年五歲羣始喪亡

其後言語漏洩而率漸自謙爲非妾所生率既長與妾九族內外修姑姨之親而白談者或以嶠既有纂其率不得久安爲妾子若不去則是與爲人後去年率卽歸還陶氏嶠時寢疾尋遂喪亡妾亦婦人能無怨結謹備論其所不解六條夫禮凡爲後者降其本親一等以成人之性奉父母之命而出身於彼豈不異嬰孩之質受成長於人不識所生惟識所養者乎鄙諺有之

曰云

云此言雖小可以喻大今以義合之後比

成育之子此妾四不解也

黃雞生卵烏雞伏之但知爲烏雞之子不知爲黃雞之兒

鸚鵡谷水世語

唐會要

卷二十八

武德元年十二月新豐鸚鵡谷水

清世傳云

云

開皇之初暫清復濁至是復清

此水清天下平

左史諺

唐會要

卷五十六

自隋氏因前代史官有起居注故

置起居舍人以紀君舉國朝因之貞觀初置郎
而省舍人顯慶中始兩置之分侍左右仗下秉
筆隨相入禁殿命令謨猷皆得詳錄若仗在紫
宸閣內則夾香案分立殿下正直第二螭首和
墨濡翰皆卽螭首之坳處由是諺傳云官旣
密侍號爲清美

螭頭有水

淮人爲徐協功許子中胡與可語

建炎以來朝野雜記

甲集卷十
八兵馬類

淮南萬弩手者

經始於紹興季年乾道五年冬上命措置兩淮
官田徐子寅領其事又有許子中胡與可二人
亦有耕屯之策見用淮人爲之語曰

元功子寅與可之字也

徐協恭許子中胡元功三人鼎足說脫空

澗水諺

通志

地理略一

澗水杜云出臨淄縣北經樂安博昌

縣南界入時水其流急故諺

哲匠金桴卷三作古諺云類聚

卷九十三御覽卷八百九十七引風俗通疲馬不能渡繩俗說馬羸不能度繩索或云不能度

種菜畦塍也謹案齊有繩水裁廣三四步言馬
之疲不能度此水耳一統志卷二百四青州
府北陽水水經注呂忱曰濁水一名溷水亦謂
之澠水出廣縣爲山東北流逕廣固城西東北
流逕堯山東又東北流逕東陽城北東北流合
長沙水又北逕臧氏臺西又北逕益城西又北
流注巨淀齊乘北陽水出府城西南九迴山東
北逕五龍口又北逕廣固廢城行乎絕澗之底
水激而岸峻古諺所謂云云
指此非臨淄縣之淄水也

瘦馬不渡澠水

哲匠金桴瘦
作疲無水字

時人爲張敞語

通志

樂略

張敞爲京兆尹無威儀時罷朝會走

馬章臺街時人鄙笑之有

云

之語故張率詩

曰吾畏路旁兒

毆君馬者路旁兒

案風俗通亦有此條毆作殺言譽馬以竭馬力與此
言鄙笑者不同今並存之

淳熙中梁宋間語

文獻通考

卷三百九
物異十五

孝宗淳熙中河決入汴梁

宋間爲之語

古今風謠
作童謠

曰云

云天水國姓也遺

黎以爲恢復之兆

黃河災天水來

淳熙末莎衣道人歌

文獻通考

卷三百九
物異十五

淳熙末上以恢復之占訪

莎衣道人何者何授以歌詞末云

云

後金酋

葛王死其孫璟立不以序諸酋爭立內亂志士
以撫機爲惜

胡孫死鬧啾啾也須還我一百州

廣明初都人語

文獻通考

卷三百十
物異十六

黃巢未入京師時都人以

黃米及黑豆蒸食之謂之

全唐詩十二函
八作因有此語

黃賊打黑賊

北人爲魏王諺

文獻通考

卷三百四十六
四裔二十三

契丹洪基能守成柔

惠愛民安靜不撓然嬖幸其臣耶律英弼英弼
與太子濬有隙潛畜甲士謀殺之英弼益專恣
累封魏王北人諺云云其後國相梁益介殺

英弼坐死者千餘人

甯違敕旨無違魏王白帖子

兩淮民爲范總歌

兩淮鹽法志

卷二十
七官蹟

范總字平甫遼東瀋陽人

正德十二年進士嘉靖十二年由河南知府擢

兩淮運使時鹽法做壞條上鹽政十要沿海地

頻年災丁竈困踣於是賑集轉徙派分逋負寬

免重役丁竈賴之時徵收羨課十倍於前期限

促迫商民愁苦總力爲寬假舊時供億多責店

主商罰無紀皆痛革之三年政治上下胥服歌

按歌本作頌據明

詩綜卷一百改 之曰云

云 歷兵部尙書

鹽政奚廢公未逢鹽政奚興逢我公

此則原本無今據
卷四十祠祀類引

葉相范公
祠碑記補

范來早我人飽范來遲我人飢

戚繼光引諺論人心

練兵實紀

卷九練將篇

第一正心術將有本心術是

也人之爲類萬有不同所同賦者此心也夫爲將者上副君父之恩中契寮案之交下服三軍之衆惟有正此心術光明正大以實心行實事純忠純孝思思念念在於忠君敬友愛軍惡敵強兵任難上做去盡其在我不以死生患難易

其念堅持積久久則大大則通通則化幽可以
感動天地轉移鬼神君父寵之僚案敬之三軍
樂服莫有異同衆皆尊而親之諺云云是也
皇天不負好心人皇天不負苦心人

又引諺論死生

練兵實紀

卷九練將篇

第三明死生人之生也於大

塊冥冥之中忽有此身其死也一去不復再返
是生死之事可謂大矣故凡血氣之類莫不愛
生畏死但死生有數不專在水火兵戈之中有

勇士屢經戰陣刀痕遍體披面尙且享有高年

故諺云

人是苦蟲

又引諺三則論貨利

練兵實紀

卷九練將篇

第九貨利害貨利者財帛珍

玩也此物雖天地生之以給人用而能資人之
乏養人之身但天地鬼神又忌多取有聚必有
散且財物與怨相聯利入則怨隨子孫恃此墮
志益過况天地間運氣流行未有富而不貧盛

而不衰者諺云

云

云 古人所謂武臣不惜死文

官不愛錢天下太平矣是故不惜死由不愛錢
中生來不愛錢由無慾而充之平居可以延生
爲將可以濟事天之加報子孫盛昌爲萬世長
久之計也今吾爲將者勿用心於貨利母百計
以求積母爲兒孫作馬牛諺云

云

云 又云

云

云

悉當推此念頭加意職任

朱門生餓殍白屋出公卿

兒孫自有兒孫福

天不生無祿之人

又引東南謠語論兵患

練兵實紀

卷九練將篇

文武之職不同所司之政雖

異而其所以保民則一也顧今反其道者止知
軍士是我統馭其於保民之意漠然不省率徇
情而偏愛之每到地方縱容搔擾百姓不肯克
已嘗見東南受兵之處有謠語云云蓋言梳
還有遺篋則無遺矣

賊是木梳兵是竹篋

又引俗語論奉承

練兵實紀

附雜集
篇卷四

邇年薊鎮習爲痼套凡上司

有言不論是否只是唯唯奉命甚至增美其說

俗語云

云

云

亦曰馬上房子只是眼前奉承過

去心中已不然其言才一出門便生訾議非笑

馬上房子

湯若望引諺

則克錄

卷中

火攻根本總說根本至要蓋在智謀

良將平日博選壯士久練精藝胆壯心齊審機

應變如法施用則自能戰守固而攻克矣不則
徒空有其器空存其法而付託不得其人是猶
太阿利器而付嬰孩之手未有不反以資敵而
自取死耳諺云云則庶幾運用有法斯可得
器之濟得方之效矣

寶劍必付烈士奇方必須良醫

古謠諺卷三十三

秀水杜文瀾輯

齊人爲騶衍鄒奭淳于髡諺

別錄騶衍之所言五德終始天地廣大書言天

事故齊人爲之諺曰

按原本作故曰史記荀孟列傳作頌曰文選卷十六

別賦注引史記又作齊人爲之諺今據增又按荀孟列傳云騶衍之術迂大而闕辨奭也文其難施淳于髡久與處得其善言故齊人頌曰云云是齊人之諺本合衍奭髡三人言之今故

於正文內增入

談天騶

文選注騶作衍

雕龍奭炙轂過髡

史記又引別錄云過字作轆轆者車之盛

音器也炙之雖盡猶有餘流者
言渣于鬯智不盡如炙輶也

齊人爲田駢語

七略齊田駢好談論故齊人爲語曰

云

天口

者言田駢子不可窮其口若事天

天口駢

齊人爲鄒赫子語

七略鄒赫子齊人齊人爲之語曰

云

言鄒衍

之術文飾之若雕鏤龍文

雕龍赫赫

按鄒赫子赫字本當作爽七略作赫者漢人避元帝諱

錢起聞鬼謠

郡齋讀書志

卷四上

錢起詩二卷右唐錢起吳郡

人天寶中舉進士初從鄉薦客舍月夜聞人哦

于庭曰

云

起攝衣從之無所見矣及就試詩

題乃湘靈鼓瑟也起卽以鬼謠十字爲落句主
文李暉深嘉之擢高第

曲終人不見江上數峯青

場中爲沈顏語

郡齋讀書志

卷四中

沈顏聲書十卷顏少有詞藻

琴棋皆臻妙場中語曰云言爲文敏速無不
載也

下水船

人目鄭獬滕達道語

郡齋讀書志卷四下鄭毅夫鄖谿集五十卷右皇

朝鄭獬字毅夫安州人爲文有豪氣峭整無長
語與滕達道少相善嗜酒落魄無檢操人目之

曰云
云

滕屠鄭沽

鍾繇引里語論與奪

淳化閣帖鍾繇請許吳主委質表尙書宣示孫
權所求竊致愚慮其所求者不可不許許之而
反不必可與求之而不許勢必自絕許而不與
其曲在己里語曰

何以罰與以奪何以怒許不與

休官俚諺

集古錄世俗相傳

云

云此二句以爲俚諺慶歷

中許元爲發運使因修江岸得石刻於池陽江

水中始知爲釋靈徹詩也

相逢盡道休官好林下何曾見一人

優孟歌

金石古文

卷十三

楚相孫叔敖碑楚相孫君諱饒

字叔敖本是縣人也六國時期思屬楚楚都南
郢南郢卽南郡江陵縣也君受純靈之精懷絕
世之才有大賢次聖之質及其爲相布政以道
專國權寵而不榮華一旦可得百金至於沒齒
而無分銖之蓄破玉玦不以寶財遺子孫生於

季末仕爲靈王立溷濁而澄清處幽暗而照明
病甚臨卒將無棺槨令其子曰優孟曾許千金
貸吾孟故楚之樂長與相君相善雖言千金實
不貸也卒後數幸莊王置酒以爲樂優孟乃言

孫君相楚之功卽忼慷高歌曲曰

云

涕泣數

行若投首王王心感動覺悟問孟孟具列卽來
其子而加封焉子辭父有命如楚不忘臣社稷
圖而欲有賞必於潘國下濕堯堯人所不貪遂

封潘鄉卽固始也

梁溪漫志卷五史記載優孟
言孫叔敖事予嘗游浮光叔

敖卽是郡期思縣人也期思今廢爲鎮予得漢
延熹中所立碑書是事微有不同云病甚臨卒
將無棺槨令其子曰優孟會許千金貸吾孟楚
之樂長與相君相善雖言千金實不負也卒後
數年莊王置酒以爲樂優孟乃言孫君相楚之
功卽慷慨高歌涕泣數行投首王王心感動覺
悟問孟孟具列對卽求其子而加封焉子辭父
有命如楚不忘臣社稷而欲有賞必於潘國下
溼境垆人所不貪遂封潘鄉潘卽固始也而所
載歌絕奇曰云云味其詞語憤世疾邪含思哀
怨過於痛哭比之史記所書遠甚聽者安得不
感動也郭氏翼雪履齋筆記邯鄲淳作孫叔
敖碑以兩頭蛇爲枝首蛇又遺武餘典恨不與
義皇帝代同世等句蹇澁都不成語只優孟一
歌較史記似勝

貪吏而不可爲而可爲廉吏而可爲而不可爲貪吏而

不可爲者當時有汙名而可爲者子孫以家成廉吏而
可爲者當時有清名而不可爲者子孫困窮被褐而賣
薪貧吏常苦富廉吏常苦貧獨不見楚相孫叔敖廉潔
不受錢

按史記滑稽傳所載優孟歌與此全異今兩存之

燉煌鄉人爲曹全諺

金石文字記

卷一

郃陽令曹全碑君諱全字景完

燉煌效穀人也賢孝之性根生於心收養季祖
母供事繼母先意承志存亡之敬禮無遺闕是

以鄉人爲之諺曰

重親致歡曹景完

西魏時童謠

史通

言語篇

夫以枉飾虛言都捐實事便號以良

直師其模楷原注至如周太祖實名黑獺魏本

索頭故當時有童謠曰狐非狐貉非貉樵犁狗

子嚙斷索

案此條已見北史

又曰

云

諸如此事難可

棄遺而周史以爲其事非雅略而不載賴君懋

編錄故得權聞於後其事不傳於北齊因而埋

沒者蓋亦多矣

獲獲頭團團河中狗子破爾苑

劉子元引諺

史通

漢書五行志錯誤篇

當春秋之時諸國賢俊多矣如

沙麓其壞梁山云崩鴟退飛於宋都龍交鬪於

鄭水或伯宗子產具述其非妖或卜偃史過盛

言其必應蓋於時有識君子以爲美談故左氏

書之不刊貽厥來裔旣而古今路阻聞見壤隔

至漢代儒者董仲舒劉向之徒始別構異聞輔

申它說以茲後學陵彼先賢蓋今諺所謂云云

者也而班志尚拾長用短捐舊習新苟出異同

自矜魁博多見其無識者矣此所謂不循經典

自任胸懷也

季與厥昆爭知媿諱

原注今諺曰弟與兄爭媿字以其名鄙故稍文飾之

賣絲羅縠謠

讀史管見錢非桑耕所得而使農民輸錢政之

苛虐莫此爲甚於是云云之謠夫善爲國者

必貴粟帛而賤貨貝其所貴者謂之敦本其所

賤者謂之抑末觀所徵孰緩孰急而民之貧富判矣

二月賣新絲五月糶新穀

按唐人聶夷中詩有此二句而胡氏引爲謠未知所據今姑存之

中洲諺

通鑑綱目

卷十

蜀漢後主建興元年春魏師攻

濡須分注云曹仁以步騎數萬向濡須分遣常

雕王雙等襲中洲質實云一統志云濡須城名

在廬州府無爲州東北五十五里中洲有二處

一在長沙府瀏陽縣學前諺云

二云

一在郴州

城東郴江中廢太平寺前上有堯舜禹湯廟水

漲則洲浮讖云沙洲生到太平前郴州出狀元

按此二處未知孰是姑錄以備考焉

按以分注核之是中

洲距濡須不遠長沙郴江之中洲與綱目之中洲無涉

中洲過學前瀏陽出狀元

時人爲蔡京蔡卞章惇安惇語

續通鑑綱目

卷十三

宋高宗紹興六年七月以陳

公輔爲左司諫分注云公輔還爲吏部員外郎
言今日之禍豈非王安石學術壞之耶廣義云
王安石萬世之罪人也自其作俑於神宗之朝
故後來凡有懷奸挾詐誤國欺君者莫不悉踵
其轍其在徽宗時特甚焉耳故時人語曰云
是知汴宋之亡亡於王安石也云

大蔡小蔡破壞天下大惇小惇殃及子孫

夷堅志丙集
下作滅人家

門

按此條與宋史及宣和遺事所引詳略互異今並存

之

古謠諺卷三十三終

古謠諺卷三十四

秀水杜文瀾輯

萍實童謠

家語

致思篇

楚昭王渡江江中有物大如斗圓而

赤直觸王舟舟人取之王大怪之遍問羣臣莫

之能識王使使聘於魯問於孔子子曰此所謂

萍實者也

王注萍水草也

可剖而食之吉祥也唯霸者

爲能獲焉使者返王遂食之大美久之使者以

告魯大夫大夫因子游問曰夫子何以知其然

曰吾昔之鄭過乎陳之野聞童謠曰云此是

楚王之應也吾是以知之

楚王渡江得萍實大如斗赤如日剖而食之甜如蜜說苑

斗作拳甜作美 風雅
逸篇卷五大上有其字

商羊童謠

家語辯政篇齊有一足之鳥飛集於公朝下止於

殿前舒翅而跳齊侯大怪之使使聘魯問孔子

孔子曰此鳥名曰商羊水祥也昔童兒有屈其

一脚振迅兩肩而跳且謠曰云今齊有之其

應至矣急告民趨治溝渠修隄防將有大水爲
災頃之大霖雨水溢泛諸國傷害民人唯齊有
備不敗景公曰聖人之言信而有徵矣說苑辨
物篇嘗
引此記屬孔子對弟子語又云夫謠之後未不
有應隨者也故聖人非獨守道而已也睹物記
也卽得
其應矣

天將大雨商羊鼓舞說苑鼓舞
作起舞

孔子引里語

家語子路初
見篇澹臺子羽有君子之容而行不勝

其貌宰我有文雅之辭而智不充其辯孔子曰

里語云云弗可廢矣以容取人則失之子羽

相馬以輿相士以居

南風歌

家語

辯樂篇

昔者舜彈五弦之琴造南風之詩其

詩曰

云

唯修此化故其興也勃焉德如泉流

至於今王公大人述而弗忘

南風之薰兮可以解吾民之愠兮南風之時兮可以阜

吾民之財兮

王注得其時阜盛也帝王世紀薰兮句在時兮句下初學記卷一兩民字并作

人義府卷下南風歌愠讀爲蘊蘊蒸暑氣也南風長養萬物故曰阜財松窗夢語卷二蒲州爲古蒲坂卽

虞帝都鹽池所產爲形鹽又曰解鹽不俟人工煎煮惟
夜遇南風卽水面如冰湧實天地自然之利大舜撫絃
歌南風之詩可以
阜財正指此也

按禮記樂記云昔者舜作五絃之琴以歌南風鄭注
謂其辭未聞王肅引尸子及家語以難鄭馬昭復申
鄭說云家語王肅所增加非鄭所見又尸子雜說不
可取證正經今考家語出自王肅依托久經論定然
此歌旣見於尸子則非肅所僞撰上文萍實商羊兩
謠已見說苑里語一條當亦非臆造故仍載入正文
不歸附錄焉下文孔叢子仿此

鄒操

孔叢子

記問篇

趙簡子使聘夫子夫子將至焉及

河聞鳴犢與寶犢之見殺也迴輿而旋之衛使

鄒遂爲操曰

琴操卷上將歸操者孔子之所作也趙簡子循執玉帛以聘孔子孔

子將往未至渡狄水聞趙殺其賢大夫寶鳴犢
喟然而嘆之曰夫趙之所以治者鳴犢之力也
殺鳴犢而聘余何邱之往也夫燔林而田則禽
獸不至覆巢破卵則鳳皇不翔鳥獸尙惡傷類
而况君子哉於是援琴而鼓之云云 容齋四
筆卷二漢書劉輔傳谷永等上書曰趙簡子殺
其大夫鳴犢孔子臨河而還張晏注曰簡子欲
分晉國故先殺鳴犢又聘孔子孔子聞其死至
河而還也顏師古曰戰國策說二人姓名云鳴
犢鐸犢而史記及古今人表並以爲鳴犢寶犢

蓋鐸憤及竇其聲相近故有不同耳今永等指
鳴憤一人不論竇擘也韓退之將歸操亦云孔
子之趨聞殺鳴憤作子按今本史記孔子世家
乃以爲竇鳴憤舜華說苑權謀篇云晉有澤鳴
竇擘其不
同如此

周道衰微禮樂陵遲文武既墜吾將焉歸周遊天下靡
邦可依鳳鳥不識珍寶梟鳴眷然顧之慘然心悲巾車
命駕將適唐都黃河洋洋攸攸之魚臨津不濟還轅息
鄴傷予道窮哀彼無辜翔翔于衛復我舊廬從吾所好
其樂只且琴操僅載翔翔以下四句廬作廬居

邱陵歌

孔叢子

記問篇

哀公使以幣如衛迎夫子而卒不

能賞用也故夫子作邱陵之歌曰

登彼邱陵芾施其阪仁道在邇求之若遠遂迷不復

御覽

卷五百七十一

一作迷而不復自嬰屯蹇喟然迴慮題彼泰山鬱確其

高粱甫迴連枳棘充路陟之無緣將伐無柯患茲蔓延
惟以永歎涕實潺湲

楚聘歌

孔叢子

記問篇

楚王使使奉金幣聘夫子宰子冉

有曰夫子之道至是行矣遂請見問夫子曰太

公勤身苦志八十而遇文王孰與許由之賢夫
子曰許由獨善其身者也太公兼利天下者也
然今世無文王之君也雖有太公孰能識之乃

歌曰

大道隱兮禮爲基賢人竄兮將待時天下如一欲何之
御覽卷五百七十
一一下有兮字

魯人誦孔子

孔叢子

陳士義篇

子順相魏改嬖寵之官以事賢才

奪無任之祿以賜有功諸喪職秩者不悅乃造

謗言文咨以告子順曰民不可與慮始久矣先

君初相魯魯人謗誦

呂氏春秋樂成篇作鷺誦御覽卷六百二十四誦

作頌曰云

云及三年政成化既行民又作誦曰云

云文咨喜曰乃知先生亦不異乎聖賢矣

麤裘而芾投之無戾芾之麤裘投之無郵

呂氏春秋樂成篇二芾字

均作鞞芾下之字作而

衮衣章甫實獲我所章甫衮衣惠我無私

荀子引民語

荀子

大略篇

上好羞則民間飾矣

楊注云好羞貧而事奢侈則民

聞而自修飾也

上好富則民死利矣二者亂之衢也

楊注

云衢

民語曰

云

云

上好富則人民之行如此安

得不亂

欲富乎忍恥矣傾絕矣絕故舊矣與義分背矣

楊注云忍恥不

顧廉恥傾絕謂傾身絕命而求也分背如人分背而行

賈誼引諺

新書

容經篇

古者年九歲入就小學踈小節焉業

小道焉束髮就大學踈大節焉業大道焉是以

邪放非辟無因入之焉諺曰

云

古之人其謹

於所近乎詩曰芃芃棫樸薪之槩之濟濟辟王
左右趨之此言左右日以善趨也

君子重襲小人無由入正人十倍邪辟無由來

困學紀聞卷六

辟作僻

鄒穆公引周諺

新書

春秋篇

鄒穆公有令食鳧雁者必以糝毋敢

以粟於是倉無糝而求易於民二石粟易一石
糝吏以請曰糝食雁無為費也今求糝於民二
石粟而易一石糝以糝食雁則費甚矣請以粟

食之公曰去非而所知也夫百姓煦牛而耕曝
背而耘苦勤而不敢惰者豈爲鳥獸也哉粟米
人之上食也奈何其以養鳥也且汝知小計而
不知大會周諺曰云而獨不聞歟夫君者民
之父母也取倉之粟移之與民此非吾粟乎鳥
苟食鄒之糝不害鄒之粟而已粟之在倉與其
在民於吾何擇鄒民間之皆知其私積之與公

家爲一體也

囊漏卮中

文心雕龍書記篇漏作滿卮作儲長短經
大體篇卮作儲按新序刺奢篇與新書同

桑宏羊引鄙語

鹽鐵論

備胡篇

大夫曰

按漢始元初議鹽鐵桑宏羊正官御史大夫綰鹽鐵

之權故知大夫爲宏羊也

鄙語曰

云

以世俗言之鄉曲有

桀人尙辟之今明天子在上匈奴公爲寇侵擾邊境昔狄侵太王匡人畏孔子故不仁者仁之賊也是以縣官厲武以討不義設機械以備不仁

賢者容不辱

楚人爲諸御己歌

說苑

正諫篇

楚莊王築層臺

盧氏文弼云初學記二十四作五似之臺

延石千重

盧氏云類聚同宋元本及御覽四百四十五並作里下同延壞千

里士有反三月之糧者大臣諫者七十二人皆

死矣有諸御已

盧氏云己非下同

者違楚百里而耕委

其耕而入見莊王遂解

盧氏云類聚作廢

層臺而罷民

楚人歌之曰

薪乎萊乎無諸御已訖無子乎萊乎薪乎無諸御已訖

無人乎

風雅逸篇卷六二萊字均作菜

劉向引諺

說苑

敬慎篇

存亡禍福其要在身聖人重誠敬慎

所忽中庸曰莫見乎隱莫顯乎微故君子能慎

其獨也諺曰

云

夫不誠不思而以存身全國

者亦難矣詩曰戰戰兢兢如臨深淵如履薄冰

此之謂也

誠無垢思無辱

越人擁楫歌

說苑

善說篇

鄂君子皙之汎舟於新

盧氏云初學記二十五漸

波之中也乘青翰之舟極蕭茫

盧氏云未詳蕭讀若蠻

張

翠

盧氏云御覽有羽之二字

蓋而掄

原作檢從盧本改

犀尾班麗桂

狂

原作桂狂從盧本改

會鐘鼓之音畢榜柁越人擁楫而

歌歌辭曰

云

鄂君子皙曰吾不知越歌子試

爲我楚說之於是乃召越譯乃楚說之曰

云

云

於是鄂君子皙乃掄

原作掄盧氏云據郭樂府改

修袂行而

擁之舉繡被而覆之

濫兮捰草濫予昌棧

盧氏云棧字無攷

澤予昌昌州州饑州焉

乎秦胥胥纒予乎昭澶秦踰滲堤隨河湖

右越聲

今夕何夕兮舉中洲流

盧氏云御覽作舟中書鈔無洲字 卷五百七十一五

百七十二洲在中下
確類書卷九十洲作舟

潛

今日何日兮得與王子同舟

蒙羞被好兮不訾垢恥心幾頽而不絕兮知得王子

盧氏

云知得郭樂府倒

風雅

山有木兮木有枝

御覽卷五百七十二

上木字上有樹字

心說君兮君不知

右楚聲

風雅

楚人爲令尹子文歌

說苑

至公篇

楚令尹子文之族有干法者廷理拘

之聞其令尹之族也而釋之子文召廷理而責

之遂致其族人於廷理曰不是刑也吾將死廷

理遂刑其族人成王聞之於是黜廷理而尊子

文使及內政國人聞之曰苦令尹之公也吾黨
何憂乎乃相與作歌曰

子文之族犯國法程廷理釋之子文不聽恤願怨萌方
正公平

魏人誦文侯

新序

雜事篇

魏文侯過段干木之閭而軾其僕曰

君何爲軾曰此非段干木之閭乎段干木蓋賢
者也吾安敢不軾且吾聞段干木未嘗肯以己

易寡人

盧氏文弨云御覽四百七十四有之貴二字

也吾安敢高

盧氏

云呂氏期
賢篇作驕

之段干木光乎德寡人光乎地段干

木富乎義寡人富乎財地不如德財不如義寡

人當事之者也遂致祿百萬而時往問之國人

皆喜相與誦之曰

云

居無幾何秦具兵攻魏

司馬唐且諫秦君曰段干木賢者也而魏禮之

天下莫不聞無乃不可加兵乎秦君以爲然乃

按兵而輟不攻魏

吾君好正段干木之敬吾君好忠段干木之隆

徐人歌

新序

節士篇

延陵季子將西聘晉帶寶劍以過徐君徐君觀劍不言而色欲之延陵季子爲有上國之使未獻也然其心許之矣致使於晉故反則徐君死於楚於是脫劍致之嗣君從者止之曰此吳國之寶非所以贈也延陵季子曰吾非贈之也先日吾來徐君觀吾劍不言而其色欲之吾爲有上國之使未獻也雖然吾心許之矣今死而不進是欺心也愛劍僞心廉者不爲也遂脫劍致之嗣君嗣君曰先君無命孤不敢受

劔於是季子以劔帶徐君墓樹而去徐人嘉而

歌之

延陵季子兮不忘故脫千金之劔兮帶邱墓

藝文類聚卷三十四

無二兮字故上有舊字帶邱墓作挂邱樹 御覽卷四百六十五子下無兮字故上有舊字下兮字作以

關東里語

桓子新論

據意林卷三文選曹子建與吳季重書注藝文類聚卷七十二初學記卷

二十五白帖卷十六御覽卷八百二十八卷八百六十二關東里

北堂書鈔卷一百四

十五里

作鄙語云

云此猶時人雖不別聖亦復欣

慕

人聞長安樂則出門西向而笑肉味美對屠門而嚼帖自

卷十六無則字西向作向西無而字肉味上有如聞二字御覽卷四百九十六而字在西字上卷八百六十三人上有世字北堂書鈔作人聞長安樂則出門向西而笑知肉味美則對屠門而大嚼

桓譚引諺論巧習

桓子新論

據意林卷三文選陸士衡文賦注又藝文類聚卷五十六卷七十五又御

覽卷三百九十九卷五百八十七

楊子雲工於賦王君大習兵

器余欲從二子學子雲曰能讀千賦則善賦君

大曰能觀千劍則曉劍諺曰

伏習象神巧者不過習者之門

廣博物志卷三十九及滄生堂藏書約伏習作

習伏 司馬文
園集象作衆

又引諺論長短

桓子新論

據御覽卷四
百九十六

又諺曰

云

云 孔子言舉

一隅足以三隅反觀吾小時二賦亦足以揆其

能否

侏儒見一節而長短可知

御覽卷三百七
十八侏作朱

又引諺論擇師

桓子新論

據御覽卷
四百四

諺言

三歲學不如一歲擇師

按桓子新論久佚今據孫氏馮翼輯本採錄

王符引諺論得賢

潛夫論

賢難篇

所謂賢難者乃將言乎循善則見

妬行賢則見嫉也且閭閻凡品何獨識哉苟望
塵僇聲而已矣直以面諛我者爲智諂諛己者
爲仁處姦利者爲行竊祿位者爲賢爾豈復知
孝弟之原忠信之直綱紀之化本途之歸哉此
鮑焦所以立枯於道左徐衍所以自沈於滄海
者也諺曰

云

世之疾此固久矣哉

一犬吠形百犬吠聲

又引諺論考功

潛夫論

考績篇

凡南面之大權莫急於知賢知賢

之近途莫急於考績今羣臣之不試也其禍非

直止於誣聞疑惑而已又必致於怠慢之節焉

諺曰

云云

此羣臣所以樂愒猥而惡考功也

曲木惡直繩重罰惡明證

又引諺論赦

潛夫論

述赦篇

今日賊良民之甚者莫大於數赦

令惡人高會而夸詫老盜服贓而過門孝子見
讐而不得討亡主見物而不得取痛莫甚焉凡
民所以輕爲盜賊吏之所以易作姦匿者以赦
贖數而有僥望也故其諺曰云言王誅不行
則痛癢之子皆輕犯况狡乎若誠思畏盜賊多
而姦不勝故赦則是爲國爲姦宄報也

一歲載赦奴兒噫嗟

御覽卷四百九十六引崔寔政論載作再嗟作喑啞

寔政論載作再噫嗟作喑啞全唐文卷六百七十一
白居易策林載作再奴作婦噫嗟作喑啞 困學紀聞

卷十三云兒與人同
如以可人爲可兒

古語諺

卷三十四

曼陀羅華閣

又引諺論寇

潛夫論

救邊篇

乃者邊害震如雷霆赫如日月而

談者皆諱之欲令朝廷以寇爲小而不蚤憂害

乃至此尙不欲救諺

按諺字原本無今據御覽卷八百三十六補

曰

云

云假使公卿子弟有被羌禍朝夕切急如邊

民者則競言當誅羌矣

痛不著身言忍之錢不出家言與之

徐幹引古人誦

中論

貴驗篇

事莫貴乎有驗言莫棄於無徵故善

釣者不易淵而殉魚君子不降席而追道治乎
八尺之中而德化光矣古之人誦曰

相彼元鳥止於陵阪仁道在近求之無遠

傅元引諺

傅子

附錄篇 據太平御覽補

有惡劉曄於魏明帝謂曄不

盡忠善伺上意所趣而合之帝如言以驗之果
得情從此疎焉曄遂發狂出爲大鴻臚以憂死

諺曰

云

信矣

巧詐不如拙誠

三國志劉曄傳注不作莫

按韓非子說林上亦有此句但彼不言諺故置彼錄此

傅元又引諺

傅子逸文

據詩紀補諺曰

已是而彼非不當與非爭已非而彼是不當與非平

楊泉引里語

物理論

據御覽學部及藝文類聚雜文部

里

孫本無里字今據藝文類聚卷五十

五補語曰

云

云余雖無治絲之能而悟聞詩之義

能理亂絲乃可讀詩

長城民歌

物理論

據水經注河
水御覽樂部

秦始皇起驪山之冢使蒙

恬築長城死者相屬民歌曰

云

其冤痛如此

矣

生男慎勿舉生女哺用舖不見長城下尸骸相支柱

案御

覽舖

作脯

案物理論據孫氏星衍輯本採錄

文中子游孔子廟歌

中說

王道篇

子游孔子之廟出而歌曰

云

王孝

逸曰夫子之道豈少是乎子曰子未三復白圭
乎天地生我而不能鞠我父母鞠我而不能成
我成我者夫子也道不啻天地父母通於夫子
受罔極之恩吾子汨彝倫乎孝逸再拜謝之終
身不敢臧否

大哉乎君君臣臣父父子子兄弟弟夫夫婦婦夫子
之力也其與太極合德神道並行乎

古謠諺卷三十四終